

ՄԱՄՈՒԼԻ ՏԵՍՈՒԹԻՒՆ

—

Թիֆլիսում մարտ ամսից սկսել է հրատարակուել մի նոր ուղևորական շարաթաթերթ «Кавказский край» վերնագրով խմբագրութեամբ պ. Բ. Ս. Էսաձէի: Առաջին համարում տեղաւորուած առաջնորդողում խմբագրութիւնը բաղդաւոր է համարում իւր թերթը, որ երևան է գալիս հասարակական կեանքի վերին աստիճանի հետաքրքրական ժամանակ և խոստանում է լինել արձագանք ներկայումս բոլոր Ռուսիային և մասնաւորապէս Կովկասին յուզող խնդիրներին: Թերթը խոստանում է լինել ազգային համերաշխութեան գաղափարի ջերմ պաշտպան Կովկասում:

Թող, ասում է նոր լրագիրը քարթալինցին և կախեթցին ապրեն իրանց շքեղ հովիտներում, խելսուր-խաչակիրը պահպանէ իւր խաչը իւր մայրենի և վայրենի ժայռերի մէջ, հայը մշակի իւր հողը և բամբակը սրբազան Արարատի շուրջը, գուրիացին, մինգրելը և աբխազը մշակէ թէյ ու ծխախոտ Պոնտոսի ափերում և կովկասցի-թուրքը պարապի երկրագործութեամբ իւր սիրելի հովիտներում և լեռներում: Եւ թող մենք, բոլոր ազգաբնակիչներս Կովկասի, ապրենք եղբայրաբար, անկեղծ աշխատելով մեր ծննդավայրի շրջաններում ոտնձգութիւն չանելով ուրիշների ծննդավայրի վերաբերմամբ: Եւ այն. ժամանակ կրտիրէ խաղաղութիւն և անգործութիւն, կըսկսուի համերաշխ գործունէութիւն, հիմնուած դէպի միմեանց ունեցած հաւատի, լրակատար համերաշխութեան և անկեղծութեան վրայ...

Գեղեցիկ խօսքեր, որոնց ծափահարում ենք անկեղծ հոգով: Ապագան ցոյց կըտայ, թէ նոր թերթը որչափ կըկարողանայ և կըկամենայ ծառայել իւր ծրագրած գաղափարին: Միայն կըցանկայինք նոյն իսկ թերթի սեպհական շահերի համար, որ յետագայ համարները այնպէս միակողմանի չըկազմուէին, ինչպէս մեր ձեռքի տակ գտնուող առաջին համարը: Թերթը կըրում է «Կովկասեան երկիր» անունը, այն ինչ՝ այս համարում չըկայ ոչ

մի յօդուած ոչ հայերի և ոչ թուրքերի կեանքից. և այն ամբողջապէս նուիրուած է Արխագների, Գուրիացիների և Վրացիների ներկայ վիճակին: Վրաստանը, Արխագիան և Գուրիան միասին վերցրած կազմուծ են Կովկասի մի երրորդական մասը և թերթը կովկասեան համարուելով պէտք է այս բանը աչքի առջև ունենայ և ոչ ցանկալի միակողմանիութիւնից իրան հետու պահի: Բացի գրանից, նոր թերթի առաջին համարում «Իվերիա» վրաց լրագրից արտատպուած է հայերի դէմ ուղղուած և մի քիչ սպառնողական մի յօդուած: մի ինչոր աննշան դէպքի առիթով, որ տեղի ունեցաւ Թիֆլիսի Քաղաքային խորհրդի գործունէութեան մէջ, Թէ ինչու է այս յօդուածը, որ «Իվերիան» գրել է ըոպէի ազդեցութեամբ, նոր ոտու թերթը ասպարէզ հանում նորից, չը գիտենք: Գիտենք, որ հիթէ թերթը իրաւ ուղում է համերաշխութեան գաղափարին ծառայել, այս տեսակ յօդուածներով արջի ծառայութիւն միայն ցոյց կը տայ իւր ծրագրած համակրելի սկզբունքին: Պէտք է անկեղծ լինել և որքան նոր թերթը անկեղծ լինի, այնքան աւելի կը յարգուի նրա խօսքը:

Թերթը, ըստ երևոյթին, լինելու է պատկերազարդ: Առաջին համարում տպուած նկարները բովանդակութեան կողմից շատ հետաքրքրական են. բայց լաւ չեն տպուած: Այս արդէն Կովկասեան պատկերազարդ թերթերի ճակատագիրն է: Միանգամայն անախօք տպաւորութիւն գործեց մեզ վրայ նկարիչ Օսկար Շլինգի ծաղրանկարը, որ տպուած է թերթի վերջին երեսում: Ծաղրել այսպէս անվայել կերպով հասարակութեան ներկայացուցիչներին ի մեծ ուրախութիւն մի ինչ որ կնոջ, որ այնպէս յանգձնաբար վիրաւորեց Քաղաքային խորհրդարանի իրաւունքները—կը նշանակէ հետեւել Վելիչկօյի ուղղութեանը:

Ցանկալով այս տեսակ անվայել սխալներից հետու մընալ, մաղթում ենք, որ մեր նոր եղբայրակիցը ունենայ յաջողութիւն իւր ծրագրին անկեղծ ծառայելու մէջ և արժանանայ համահաւասար բոլոր ընթերցողների համակրանքին առանց ազգերի խտրութեան: